

*Շրջակա միջավայրի նախարարության  
«Հիդրոոդերևութաբանության և մոնիթորինգի կենտրոն» ՊՈԱԿ*

---

*ԱԳՐՈՐԵՐԵՎՈՒԹԱԲԱՆԱԿԱՆ*

*ՏԵՂԵԿԱԳԻՐ*

*2025*

---


*Օգոստոսի երրորդ տասնօրյակ*

*Տեղեկագիրը կազմել է ագրոոդերևութաբանության բաժինը՝ մասնագիտացված ագրոոդերևութաբանական կայաններից ստացված տեղեկատվության հիման վրա:*

*Տեղեկագրի պատասխանատու՝ տնօրենի տեղակալ Գ. Սուրենյան*

## ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ


Օգոստոսի երրորդ տասնօրյակում օդի միջին ջերմաստիճանը հանրապետությունում եղել է բարձ 2-3 աստիճանով:



Տասնօրյակի ամենաբարձր ջերմաստիճանները դիտվել են օգոստոսի 24-ին. Տավուշում գրանցվել է +35...+37°C, Վայոց ձորի լեռնային շրջաններում՝ +30...+32°C, նախալեռնային շրջաններում՝ +38...+40°C, Սյունիքի հովտային շրջաններում՝ +35...+37°C, նախալեռնային շրջաններում՝ +29...+31°C, Շիրակում՝ +32...+35°C (Աշոցք՝ 29°C), Կոտայքի լեռնային շրջաններում՝ +29...+32°C, նախալեռնային շրջաններում՝ +33...+35°C, Գեղարքունիքում՝ +28...+31°C, Լոռիում՝ +29...+33°C, Արմավիրում՝ +36...+38°C, Արարատում՝ +38...+40°C, Արագածոտնի լեռնային շրջաններում՝ +29...+31°C, նախալեռներում՝ +33...+37°C:

Տասնօրյակի ամենացածր ջերմաստիճանները դիտվել են 22-ին. Շիրակում գրանցվել է +4...+9°C, Կոտայքի լեռնային շրջաններում՝ +7...+12°C, նախալեռնային շրջաններում՝ +16...+18°C, Տավուշում +35...+37°C, Վայոց ձորի լեռնային շրջաններում՝ +5...+7°C, նախալեռնային շրջաններում՝ +16...+18°C, Սյունիքի հովտային շրջաններում՝ +15...+20°C, նախալեռնային շրջաններում՝ +7...+12°C, Գեղարքունիքում՝ +5...+7°C (Սևան, Շորժա՝ +14°C, Սեմյոնովկա՝ +12°C), Լոռիում՝ +7...+11°C, Արմավիրում՝ +15...+18°C, Արարատում՝ +15...+17°C, Արագածոտնի լեռնային շրջաններում՝ +6...+10°C, նախալեռներում՝ +14...+18°C:

Հողի մակերևույթի նվազագույն ջերմաստիճանները գրանցվել են օգոստոսի 22-ին, 30-ին. լեռնային շրջաններում՝ +2...+7°C, որոշ շրջաններում՝ +10...+12°C, նախալեռնային և հովտային շրջաններում՝ +14...+18°C:




Հանրապետությունում տասնօրյակի ընթացքում տեղումներ չեն դիպվել:

Մշակաբույսերի աճի և զարգացման համար կարևոր գործոն հանդիսացող հողի խոնավության պաշարներն անցյալ տասնօրյակի համեմատ գրեթե նույնն էին և շարունակվել են մնալ անբավարար:

Լեռնային շրջաններում 20սմ խորության վրա կազմել են 10-20%, նախալեռնային շրջաններում՝ 15-25%, հովտային շրջաններում՝ 15-25%: Հողի 40սմ խորության շերտում լեռնային շրջաններում կազմել են 15-30%, նախալեռնային շրջաններում՝ 15-35%, հովտային շրջաններում՝ 18-35%:



## Վեգետացիոն ինդեքսի ընթացիկ ընթացքն անցյալ տարվա և բազմամյա միջինի համեմատ





## **Մշակաբույսերի աճն ու զարգացումը**

Տասնօրյակի ընթացքում շարունակվել է գյուղատնտեսական մշակաբույսերի հասունացումը և բերքահավաքը: Դաշտերում և այգիներում կատարվել է հերթական վեգետացիոն ոռոգում:

Եղանակային պայմանները նպաստավոր են եղել մշակաբույսերի հասունացման, շաքարանյութերի կուտակման և բերքահավաքի համար:

Հանրապետությունում կատարվել է պտղատուների, խաղողի, բանջարանոցային և բանջարաբուստանային մշակաբույսերի, եգիպտացորենի, կարփոֆիլի, կաղամբի մասսայական բերքահավաք:

Լեռնային շրջաններում շարունակվել է աշնանացան ցորենի նախացանքային աշխատանքները: